



25. maj 2020

UPA2020/73

Soraarnerussutisiaqalernissamut aaqqissuussinermut pinngitsoorani ilaanissaq pillugu apeqquqteqaat aallaavigalugu oqallinnissamik siunnersuut.

(Inatsisartunut ilaasortat Hans Enoksen, Pele Broberg, Jens Napātôq, Partii Naleraq)

Partii Naleqqamiit pingaartitaraarput Kalaallit Nunarput tassaassasoq innuttaasunut toqqissisimanartoq, najoruminarartoq, sumi najugaqaraluaanni inuuniarnikkut atugarissaarfiusinnaasoq. Aammalu minnerunngitsumik Kalaallit Nunarput tassaasoq utoqqalinermi najoruminarartoq aamma utoqqarnut atugarissaarfiusinnaasoq. Partii Naleqqamiik erseqqissaassutigissuarput Nunatsinni utoqqalinissamut toqqorterisarneq Nunatsinni atorfilippassuarnit ingerlanneqartoq ilisimaaralugu nalunngilluaratsigu tamakkii-sumillu tapersersorlugu, aammalu innuttaasut utoqqalinissaminut soraarnerussutisiaqalernis-samut pinngitsooratik ilaanissaat pillugu inatsit peqataaffiginikuugatsigu Naalakkersuisunut eqqaamaqqussavarput. Partii Naleqqamiilliuna oqallisissiami pineqartutut isumaqartugut covid-19 kingunerisaanik nunarsuarmi nunatsinnilu aningaasaqarniarnikkut ajutooriartorneq sillimaffiginiarlugu maannakkut aaqqissuussinermi kukkussutaasut, aammalu inuit 6.628-it Inatsisip 2018-imili atuutilerneraniit nammassinnissinnaasimangitsut pillugit ikiorniarlugillu ataatsimoorluta piaartumik aaqqiissuteqartariaqarnerput aqutissiuuttariaqaripput.

Partii Naleqqamiit aamma tusagassiorfitsigut tusarparput Inuussutissarsiornermut Nukissiuuteqarnermut Ilisimatusarnermut Suliffeqarnermullu Naalakkersuisuusup Naalakkersuisoqatini Aningaasaqarnermut Aatsitassanullu Naalakkersuisoq mississuiffigitissimagaa misissutitaasorlu naliliisimasoq soraarnerussutisiaqalernissamut toqqorterinissamut naammassinnissinnaasimangitsunut akileraarutitigut ilanngaassuilluni akilersuisitsineq unioqqutitsainerusoq. Partii Naleqqamiit paaserusupparput taakku Naalakkersuisut arlaat ilumoorpa?

Maannakkumut paasiussutissat pigisavut, aammalu oqallisissiap suliarineqarnerata nalaani pigisavut, taakku Naalakkersuisut nittartagaanniit pissarsiaaraavut, aammalu februar 2020 aallartilaartoq tusagassiorfitsigut Namminersorlutik oqartussat akileraarnermut aqutsisoqar-fimmiit nalunaarutigineqartut matumani aallaavigineqarput. Taamammat Naalakkersuisut akissuteqaatimikkut oqallisissiami taakkartukkatsinik allatut isummersuillutik akissuteqaati-mikkut isummersuinerat ajuusaarnarpoq. Neriuppugut taamatut aporfissalersorata paaseqatigiinnissaq tamatta anguiassagipput. Inuuttaasunuk pineqartut uani Naalakkersuisut Partii Nalerallu pinngilavut, innuttaasunuku ajunngitsumik atugaqarnissaat anguniarlugu oqallisissiortugut.



partii naleraq

Partii Naleqqamiit maliuginiarparput Naalakkersuisut isummersuutigilersimagaat Inatsit atorunnaarsingikkaluarlugu allannguutissaanik Ukiamut Inatsisartut Ataatsimiinissaannut siunnersuuteqarnissartik, tassa Inatsisip atuisunit atoruminarnerulernissaa aammalu innuttaasut aaqqissuusinnikkut oqalisaaffigineqarnissaat siunertaralugit. Naalakkersuisut akissuteqaatimikkut aamma erseqqissarpaat ukiamut siunnersuutissamikkut ileqqaaruteqarnissamut akiliutissap 2020-imi 6 %-imut minnerpaaffilerneqarnera aamma 2021-imi 2022-imilu atuutussanngorlugu sivittorneqarsinnaasoq.

Kiisalu maluginiarparput aamma naalakkersuisut erseqqissaassutigigaat arlalinnit saaffigineqartarsimallutik nutaamik aaqqissuussinissamik piumasqaartunik, tamanna assut soqutiginarpoq, minnerunngitsumik sulisartut akilersuinerannut sulisitsisut peqataallutik akilersueqataasarlernissaannik piumasqaataasut assorujussuaq soqutigalugu Partii Naleqqa-miit oqaatigissavarput. Tassaami tamanna periuseq aamma Danmarkimi ukiorpassuarni ingerlanneqarmat ATP-imik aaqqissuussinerup periusaa qiviaannarneqarsinnaavoq.

Aap, soraarnerussutisiaqalernissamut aaqqissuussinermut pinngitsoorani ilaanissaq pillugu Inatsit taasumalu atuutsinniarnera kukkuluttorfiusimapput, tamannalumi aamma Naalakkersuisut nassuerutigaa. Taamaammat Partii Naleqqamiit isumaqartuarpugut pitsaanerpaagaluartoq aaqqissuussineq unitsikkalliarlugu akilersuutaareersullu SISA-mi uninngatikkalliarlugit, nutaamik aningaasarsiortunit tamanit peqataaffigineqarluni atorluarneqarsinnaasumik aaqqissuuisoqareerpat aallarteqqittoqarnissaa pisariaqaraluartoq, nutaamik aaqqissuussineq susassaartut tamarmik akueralugu peqataaffigisinnaasaat.

Tamannali amerlanerusuteqarfigisinnaanngikkutsigu, Partii Naleqqamiit piumasaraarput taamaasiorsinnaaneq periarfissaqarpat inatsimmik allannguinnikkut 2018-imut aamma 2019-imut akilersugassaminnik naammassinissinaasimannngitsut pinngitsaalillugit ukiunut taakkununga akilersuisinneqassanngitsut. Pinngitsaaliisummillu ullumikkut akiligassiissutigineqartut tamarmik ukioq mannamut tassa 2020-imut akilersuutigineqartut tutsinneqassaat Partii Naleqqamiit piumasaraarput.

Partii Naleqqamiit pingaatituassavarput pisortaniit innutaasut akilersugassaannik piumaaffigi-gaagatsigit inuit pineqartut aningaasaqarniarnermikkut artukkerneqannginnissaat. Ullumikkummi ilaqutariit sulisartukkormiut piniartukkormiullu ilarpassui aningaasaqarniar-nikkut imaannaanngitsumik atugaqarmata. Aamma illoqarfissuarni najugaqartut ilarpassui ineqarnerminnut akilersuiniapiloortartut, taamaalillutillu ilaqutariittut inuuniapiloortartut naluneqanngilaq. Tamakku tamaasa



partii naleraq

eqqarsaatigalugit pisariaqarluinnarpoq Kalaallit nunatsinni innuttaasut atugarisaasa misissoqqissaarneqarnissaat pisariaqalerpoq, ullumikkut inuiaqatigiittut atukkavut qanoq ippat, ilaqutariinni inuusuttavut suliffeqarpat? ilinnarpat? Siunissaat qanoq issava? Ila apeqquterpassuit tamakku ilaqutariippassuarni qaffakaapput, Naalackersuinikkut misigissuseqanngitsumik ingerlaannartoqarsinnaanngilaq, inuinuku sullinneqartut inuinuku atugaat pineqartoq, inuit pisinnaasaat ilaqutariit pisinnaasaat sipporlugit piunasaqartoqaannarsinnaanngilaq.

Taamannak oqaaseqarluta, siunissamut aaqqissuussinerit innuttaasut atugaannik pitsanngorsaaffiusut peqataaffigalugit Partii Naleqqamiit suleqataaffigikuttoorumaarpavut.

Qujanaq !